

Expediente 14.400-77

ACLARACIÓN Á CUESTIÓN FORMULADA POR ACADEMIA POSTAL 3 VIGO, S.L. RESPECTO DO PROCEDEMENTO ABERTO PARA A CONTRATACIÓN DOS SERVIZOS DE FORMACIÓN DO PROGRAMA “VIGO POLO EMPREGO DA MOCIDADE” (EXPEDIENTE 14.400-77)

I.- Antecedentes

Primeiro.- En data 9 de novembro de 2017, a Xunta de Goberno Local, acordou aprobar o expediente de contratación número 14.400-77 dos servizos de formación do programa “Vigo polo emprego da mocidade”, e abrir procedemento de licitación na forma legalmente prevista.

Segundo.- En data 28 de novembro de 2017, publicouse no Diario Oficial da UE o anuncio de licitación do citado procedemento.

Terceiro.- Aberto o prazo para a presentación de ofertas, ACADEMIA POSTAL 3 VIGO, S.L., mediante escrito presentado no Rexistro Xeral deste Concello o 4 de decembro de 2017, formula aclaración en relación coa acreditación da solvencia técnica ou profesional.

II.- Aclaración

ACADEMIA POSTAL 3 VIGO, S.L. formula aclaración nos seguintes termos:

“Aclaración de dúbidas sobre a acreditación da solvencia técnica e profesional sinalada na Cláusula 8.3 do PCAP para a contratación por procedemento aberto dos servizos de formación do programa “Vigo polo emprego e mocidade” (Expte 14.400-17) En relación á solvencia técnica e profesional exixida na cláusula sinalada do contrato:

“ Unha relación dos principais servizos ou traballos, de igual ou similar natureza que os que constitúan o obxecto do contrato, realizados nos últimos cinco anos”, podennos aclarar se a experiencia ten que referirse especificamente á impartición da mesma acción formativa do correspondente lote, ou se pola contra, serve acreditar experiencia formativa en accións formativas de formación profesional para o emprego, segundo o que se sinala no obxecto e codificación do obxecto do

contrato?

En contestación á solicitude formulada, o xefe do Servizo de Desenvolvemento Local e Emprego informou o seguinte:

*“A Academia Postal 3 Vigo S.L., ven de presentar por rexistro electrónico unha solicitude de aclaración relacionada coa acreditación da solvencia técnica e profesional sinalada na Cláusula 8.3 do PCAP para a contratación por procedemento aberto dos servizos de formación do programa " Vigo polo emprego e mocidade" (Expte 14.400-17), e tendo en conta, que a propia cláusula 8.3, indica que para a súa acreditación “Unha relación dos principais servizos ou traballos, de igual ou similar natureza que os que constitúan o obxecto do contrato, realizados nos últimos cinco anos (entenderase que este prazo remata o último día para a presentación de ofertas) que inclúa importe, datas e o destinatario, público ou privado...”, parece axeitado **aceptar como solvencia técnica e profesional aqueles servizos e traballos relacionados coa prestación de accións formativas de formación profesional para o emprego, segundo o que se sinala no obxecto e codificación do obxecto do contrato**”.*